

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Capitulis. XV.

urn:nbn:de:hbz:466:1-40244

de cum Amalar. lib. 4. de Offic. cap. 3. duo conuenire Ecclesiastico viro, exhortationem ad fratres, quæ sit in Responsorio breui, & singularem ad Deum depreciationem, cum intentione recta in gloriam Dei; quæ attenduntur in versu Responsorij, & in addito *v. Gloria Patri.*

2 Omittitur *Gloria Patri* in tempore de Passione, resumiturque initium Responsorij, ob causam in praecedenti capite allatam num. 3. pag. 89. ex Concil. Tolet. I V. Non omittitur in Officio nouem Lectionum, ita ut, si in Dominica Passionis commemoratione fiat in secundis Vesperis de aliquo Festo Semiduplici, in Completorio dicendus erit *v. Gloria Patri*: quia Festum est iam inchoatum ea ratione quam attulimus de fine Hymnorum de beata Virgine *supra cap. 6. num. 15. pag. 73.* sed vide infra *Sexta cap. 12. num. 8.*

3 Ad Primam fit variatio Versus pro varierate Festorum, vt in Rubrica de his Responsorijs num. 3. quæ mutatione habet eisdem causas quas attulimus *supra* de fine Hymnorum vario in Festis *cap. 6. num. 12. pag. 72.* Meminit Radulph. *Propos. 14.* mutationis huius in Natali Domini, Epiphania, Paschate & Ascensione Domini; de alijs Festis non loquitur: quare mutatione in his posterior est Radulpho. Decretit Ioannes XXII. mutari in Festo Corporis Christi, in *Decreto sapientis cit.* concurrentibus autem duobus Versibus proprijs, altero ratione temporis, altero ratione Festi, vt in Conceptione beatæ Virginis intra Aduentum, præferri debet ratio Festi & eius Octauæ, sicuti in fine Hymnorum fit: quare in Dominica infra Octauam dicemus,

Qui natus es de Maria Virgine, ad

Primam; non autem, *Qui venturus es in mundum.*

4 In Aduento accedit ad Nonam mutatio Versus; qui in Dominicis dicitur, *Domine Deus virtutum converte nos.* & in Ferijs dicitur, *Veni Domine, & noli tardare.* Reliqua sunt eadem ad omnes Horas. Quærunt aliqui mysterium; sed nulla est alia ratio, nisi quod in feriali Officio dicuntur statim Preces, in quibus dicitur *v. Domine Deus virtutum, &c.* neque confueimus idem bis dicere in eadem Hora. Hinc ergo variatio illius Versus.

5 Tempore Paschali adduntur duo *Alleluia*, ex auctoritate Romana, inquit Radulph. *Propos. 12.* & ex *Regula sancti Benedicti cap. 34.* quod alijs Festis nobilioribus conceditur, Natali Domini, Circumcisioni, Epiphaniæ, Festo Corporis Christi, & Transfigurationi; non tamen in his Festis adduntur ad Primā, & Completorium: & de Festo Corporis Christi negat Ioannes XXII. in *Decreto citato*. Additionis pater ratio, ad pleniorē lātitudinem indicandam; vbi verba quasi desunt ob breuitatem Responsoriorum.

De Capitulis. CAP. XV.

1 **C**apitula, Lectiunculæ, Lectiones breues, parvulae, Versiculi parvi, Collationes, sunt idem apud Radulph. *Propos. 13.* & 14. Capitella vocat Hugo *lib. 2. cap. 1.* quia, inquit, capita sunt & principia variationis ad Horas, cùm præcedentia sint semper eadem. Capitula quoque dicuntur, quia ut plurimum in Festis sumuntur de capitibus Epistoliarum quæ leguntur in Missa, Duran. *lib. 5. cap. 2.*

2 Ambrosius fuit auctor Capitulorum ad Tertiam, Sextam, & No-

M 2 nam.

nam. Deinde Concilium Agathense
can. 21. *Distinct. 5. de Consecrat. cap.*
Conuenit. iussit ea dici post psalmodiam; vbi & ea vocat Collectiones, non Collationes, ut malè legit Gratianus, quem corrigit Suar. *libro 4. de Hor. Can. cap. 2. num. 19.* vnde etiam corrigendus erit Radulphus suprà. sed Beda in Esdram ait, morem hunc inoluisse in Ecclesia ab Esdra defumptum; cuius tempore quater in nocte, quater in die conuenientes Hebrei legentem sacras Litteras audiebant: nam à nostris post singulas psalmodias Horarum Canoniarum legitur semper aliquid, & octies in Officio, si feriale est, si solemne, decies, propter tres Nocturnos, sive de veteri sive de novo Testamento, vel multum, vel parum. lege Hugonem *lib. 2. de Offic. cap. 1.* Aliqui dicunt quater in nocte nos legere, id est ad Vesperas, Completorium, Matutinum, & Laudes, quater in die, ad Primam, Tertiam, Sextam, Nonam.

3 Quærit Amalar. *lib. 4. cap. 3.* cur ante Capitula non peritur benedictio? Responderet, quia ut plurimum has Lectiones legit Superior, qui Christi vicem gerit. Hebdomadarius eas legit, qui legentibus ad Matutinum, & ad Absolutionem in fine Primæ, & ante Completorium benedictionem impertit, vicem & ipse maioris gerens.

4 Quærit Hugo *lib. 2. cap. 3.* cur à maioribus leguntur hæ diurnales Lectiones breues, à minoribus nocturnales? Responderet, quia diurnæ varian tur, in qua varietate maiores sunt peritiores ut eas inueniant, & opportunè recident; nocturnales autem facilius habentur ex Inuitorio, & Psalmis, qui iuvant, inquit, ad distinctionem earumdem Lectionum! Facilius ha-

bentur (ego dicerem) quia Hebdomadarius peritior eas præparat, & signaculis dispositis aptè statim indicat quid sit legendum. hoc enim minus est eiusdem.

5 Quærit Duran. *loco citato*, est longiores sunt Lectiones nocturne quam diurnæ? & respôdet, noctu librius aures accommodari Lectionibus.

6 Tacetur in his Capitulis titulus, & nomen auctoris, ob causam supra allatam *cap. 12. num. 19. ex Hugo pag. 88.* Et præterea stamus ad Capitula, non sedemus, sicuti ad Lectiones Martini: tum quia breves sunt Lectiones, & minùs fatigantur, tum quia stante maiore qui Capitula legit, ob eiusdem reuerentiam stare debent alii, vt de nona Lectione ab Episcopolocta in Natali Domini prescribitur in Cerim. *Episc. lib. 2. cap. 5.*

7 In fine non dicitur, *Tu autem Domine, &c.* quia neque dicitur antè, *In te Domne, &c.* quæ duo sunt in iunctu correlatiu; tum verò Sacerdos Hebdomadarius ea recitat, cui non conuenit ordinariè benedictionem ab aliis petere: & præterea in breuiori Lectione facilius culpa evitatur, præsumtum à perfetto viro, qualem representat Hebdomadarius qui Capitula recitat, Durand. *loco citato*.

8 Notat Radulph. *Propos. 13. Capitulum Tertiæ in Festis idem ut plurimum cum Capitulo Laudum & Vesperarum.* Ratio esse potest, quia Vesperæ, Laudes, & Tertia, sunt Horæ nobiliores. Ad Tertiam enim dicitur Missa de Festo solemnis, & per Tertiam fit ad Missam aditus. Quare Capitula Vesperarum ter dicuntur, Capitula Nonæ bis, ad Absolutionem in Prima, & ad Nonam; Capitula ad Sextam semel, quæ sunt quasi medullaria Episto-

Epistolarum Missæ , sicuti Capitula Tertiæ initia Epistolarum, & Capitu- la Nonæ terminationes Epistolarum. Sed tempore Aduentus & Quadrage- simæ quælibet Hora habet suum Ca- pitulum pro toto tempore, ut dicemus tuo loco.

9 Sumi verò debens ex Scriptura sacra , Radulph. *loco citato* , & de corde recitari , ait S. Benedict. in *Regula* , his enim Dei laudem agimus , & prou- nuntiamus , Radulph. *Propos. 8.* ex- hortamur nosmetipso & alios au- dientes , qui opere bono respondent; quod significat Responsorium breve , Hugo in *Spec. cap. 3.* excitamus etiam deuotionem contra tedium , Duran. *loco citato*.

10 Discordant aliquando à textu vulgato sacrorum Bibliorum ; quibus in casibus sufficit auctoritas S. Roma- nae Ecclesiæ , de qua S. Bernard. *Ser. 3.* *Vigil. Natum.* hæc habet : Cùm Ec- clesia , inquit , in Scripturis diuinis verba vel alterat , vel alternat , fortior est illa compositio quam positio prima verborum : & fortassis tantò fortior , quantum distat inter figuram & veri- tatem , inter lucem & ymbram , inter Dominam & ancillam . Hæc ille , quæ notanda sunt pro casibus pluribus in Missali & Breuiario , si nulla alia sup- petit ratio.

11 Semel in Officio Capitulum di- citur ante Hymnum , hoc est , in Com- pletorio , cuius causam dedimus ex Hugo *sup. Sectio. 4. cap. 6. num. 8.* pag. 60. & *Deo gratias* in fine respon- detur . Vide causas *supra cap. 12. nu- mero 20. pag. 88.*

12 Omituntur Capitula in triduo maioris Hebdomadæ , & in Officio Defunctorum ; & suo loco afferen- tur causæ .

De Oratione. CAP. XVII.

V Nica Oratio pro omnibus Horis communius habetur , ait Radul. *Prop. 13.* quæ no- uissimum locum in Horis Canonis tenet , ex antiquo Ecclesiæ ritu , ait Amalar. *lib. 4. cap. 45.* vt vnuſquis que talis custo , id est communi Oratione rediens ad sua , muniatur contra omnia aduersa : vel , ex Hugo in *Spec. cap. 3.* vt diuina gratia , quæ actio- nes nostras præcessit , eadem ipsa sub- sequatur .

2 Eam dici in fine iussit Conc. Aga- then. de *Consecr. Dist. 15. cap. Conue- nit.* quæ solet esse breuis , ne multum loquentes oremus , *Matth. 6.*

3 Composuit Ambrosius plurimas , ex Gemma lib. 1. cap. 87. à Gelasio Pa- pa auctæ & limatae fuerunt , ex Sige- ad ann. 487. à S. Gregorio collectæ & distributæ , additis alijs , ex V Valafr. de *Rebus Eccl. cap. 22.* atque Orationem concordare semper cum Officio & Euangelio S. Gregorij opera , asse- rit aperte Microl. *cap. 61.* nos certè Ambrosianis non paucis Orationibus utimur , vt suis locis indicabimus . Concilium verò Carthaginense , seu , vt alij , Africanum , *can. 70.* & Mileuit. *cap. 12.* quibus aderat S. Augustinus , reiciunt non probatas Orationes à Missa , & consequenter ab Officio di- uiino ; cui , & Missæ regulariter com- munis est Oratio .

4 Prima & Completorium retinent easdem Orationes , ob causam allatam *suprà Sect. preced. pag. 56. num. 12.* vbi de Horis egimus . Reliquæ Horæ eadem concluduntur Oratione .

5 Ante Orationem dicitur , etiam ab eo qui recitat solus , *Dominus vobis- cum* , vt fusè probat P. Damiani in

M 3 Opuscu-